

¡MENUDU BRANU!

Yá acabaren les clases, y Maura, una neña alta, roxa y con güeyos azules, diba perallegre a la so casa, pero cuando-y dixerón los sos pas que diba pasar el branu nel pueblu colos sos güelos, púnxose murnia, porque nun los conocía y tenía un pocumiéu.

Yá nel coche, camín del pueblu, Maura diba lleendo un llibru, la so madre falando pel móvil y el padre conduciendo. Namás llegar, Maura baxó del coche, despidióse de sos padres y echó una güeyada a la casa de los güelos.

Yera impresionante, tenía unes ventanes enormes y nel segundu pisu víase una preciosa terraza con sielles de madera y por si eso fuera poco, un xardín alreduro de la casa; sorprendióse yá qu' ella esperaba una casa vieya y medio cayéndose.

Maura, yá mui sorprendida pol aspectu la casa per fuera, entró y lo primero que vio foi a los sos güelos entusiasmaos por ver la so nieta por primera vegada.

Ayudó a Olvido, so güela, a poner la mesa pa comer. Durante la xinta Olvido preguntó-y qué tal -y diba na escuela, qué amistaes tenía, qué quería ser de mayor... Maura contestó a toles entrugues y dexó de tener miéu.

Dempués de la llarga siesta que s'echara, salió a dar una vuelta pa conocer neños y xugar con ellos. A pocos pasos de la casa sos güelos, alcontró una neña de la so mesma edá, entamó una conversación con ella y díxo-y que se llamaba Susana.

Maura y Susana taben nel parque, llevaben un tiempu xugando les dos, cuando Susana vio apaecer a Bruno, un amigu del pueblu, Maura un poco cobarde presentóse y Bruno de sópitu díxo-y:

-Nun te pongas nerviosa, qu' agora somos amigos. ¿Puedo xugar con vosotres hasta que lleguen mios pas?

Maura yá taba más cómoda después de lo que-y dixere Bruno.

Maura, Susana y Bruno xugaben tranquilos nel parque, hasta que vinieron los padres de Bruno y tuvo que dise; entós quedaron Maura y Susana soles, pero non por munchu tiempu, porque Susana tuvo que dise tamién ceo.

Maura volvió a casa, cenó y foi pa la cama. Durante varios díes pasaba les tardes colos nuevos collacios, hasta que se decató de que nun prestare atención a los güelos, asina que decidió pasar más tiempu con ellos, porque Susana y Bruno nun se separaben de la so familia.

Tuvo tardes faciendo ganchiellu con so güela, otres arreglando la casa con so güelu, otres preparando la comida colos dos y otres con Susana y Bruno xugando.

Maura pasábalo tan bien ellí que nun se percatare que'l branu pasaba y quixere o non tendría que volver a casa, y así foi, solo pasaron cuatro tardes más y Maura namás levantase alcontró a los pas nel salón.

Llegó la hora de colar, entós Maura echóse a llorar porque nun quería dise, ficiere amigos, taba pasándolo perbién colos sos güelos y nun quería volver a la ciudá con tantos ruíos, prefería tar nel pueblu.

Los padres dempués sentir lo que dixere Maura acordaron matriculala nun colexu d'ellí, quedase na casa de los güelos y nun perder l'amistá con Susana y Bruno.

Maura, sos güelos y sos padres taben gozosos porque taba la familia xunta y Susana y Bruno tamién s'alcontraben contentos porque nun tendríen que dexar l'amistá con Maura.

FIN

Xana